

奇趣埋堆！ 骑咧至够瘾

出风头 唔秃头

现代都市后生仔女，任务重压力大，唔少人都有发量焦虑，忙里偷闲时“抽空”养个发就好必要！有款“爆发丸”，係霸王洗发水同五谷磨房联名打造嘅零食，由黑芝麻制成，甘香美味又养发，日化同食品品牌结合一啲都唔违和，谐音“暴发”，意头仲几好！独立包装，卫生又方便携带，随身袋住几粒得闲嚼下，既可满足“为食猫”嘅嘴瘾，又健康护发，何乐而不为？如果觉得芝麻丸都普通咗啲，想挑战更“上头”嘅快感，可以试试霸王同锐澳联名嘅“鸡尾酒洗头水”套餐，经典霸王配色瓶身设计嘅生姜味特饮，内服、外洗打开上，配埋一把造型搞怪嘅“发际线尺”，又真係贴心到位。

依家好多品牌都兴玩联名，零食就係“联名游戏”中嘅佼佼者，同性质产品埋堆，联手打造限定口味，互补单品联合，配成CP就够晒噱头；有啲品牌仲挑战跨界做 friend，以你都估佢唔到嘅组合出街，搞得得嚟又诚意满满，实现品牌精神同口味双赢。今次就同大家一起睇睇，呢啲妙趣破格嘅结合啦！

郭玮文 品牌官网图

鸡尾酒 国潮味

要讲最易出圈的IN组合，渗透国潮元素嘅联名产品一定拥有姓名！锐澳就利用自身酒品优势，同“国民香水品牌”六神做过联名，推出花露水味嘅鸡尾酒。呢个组合听落好似有啲离谱，但从大家都係“酒精制品”嘅角度论下，似乎又唔冲突。产品造型同六神花露水本水有九成九似，不过上面嘅logo印住Rio，大家唔好认错啦。据闻，鸡尾酒饮落都係一阵经典花露水味，充满儿时回忆嘅气味呢！如果唔顺花露水嘅味道，你可以试试另一款联名鸡尾酒：锐澳同英雄墨水嘅联名，但有一副“墨水樽”外壳，墨蓝色嘅酒体还还原度高，整体造型复古风十足，唔知饮完係米可以满腹墨水嘅潮人？其实唔係真墨水，而是蓝莓黑加仑口味鸡尾酒。

药未到“病”先除

药品同美食联名的“治愈系”周边，一个治病，一个暖心，看似跨界实际又几搭嘅！开小灶携手三九胃泰，推出过一款当归猪肚鸡自热米饭。除咗外包装跟足三九胃泰嘅配色设计之外，连盒内嘅配料都按埋药粉冲剂嘅包装分装，食用嘅时候就好似冲药咁有仪式感，食完个暖笠笠“药泡”自热米饭，内心郁结都治愈晒。另外，拉面亦同999感冒灵为大家准备暖心“药膳”，虫草鸡汤拉面係真“鸡汤”，暖胃又“暖慰”，吃完成个人舒服晒。除咗疗愈人心嘅“药”味主食，茶饮都可以同药品联名呢！tplus茶家同止痛药“芬必得”联名，推出疼痛不用熬，“把梦熬成甜”嘅“不白熬甜甜茶”，为啲啲忙于熬夜加班，为生活劳碌嘅追梦者加油，比奶茶口味更吸引人嘅，肯定就係佢承载住嘅满满暖意与激励啦！

锐澳 RO GOZMIL



养生女神 Sweet 趴

出圈盏鬼绿

手表绿水鬼就听得多？食得嘅绿水鬼你又试过未？有款糖水铺招牌单品绿水鬼，其实係醇香绵滑嘅开心果糊，望落去会令你有点怀疑，但味道确有惊喜。趁热食口感最正，甜度适中，碧根果碎增添几份脆脆的口感，如果係中意食开心果嘅朋友，千祈咪错过。另一款绿油油嘅人气单品——糖饼也值得一试，类似日式煎饼，软糯Q弹，清新爽口，单食只有淡淡的抹茶味，如果中意甜口啲，则可搭配黄豆粉，或柚子汁食用。为避免影响口感，呢两款产品目前都仅限堂食哦。



有糖糖水铺
地址：广州市天河区华夏路30号富力盈通大厦205号
营业时间：周一至周日 11:30-21:30

料足诚意满


除咗出圈单品绿水鬼，主理人话其实自家主打嘅係养生糖水。沙参玉竹银耳无花果、桂花竹笙桃胶银耳……仲有补气养血五红汤、红糖姜枣奶等为公主们特设嘅“姨妈糖水”，而且多数糖水都只做热食，碗碗都足料美颜，滋阴养生。当然想食啲冻冰冰嘅，也可以试下佢嘅秘制黑芝麻雪糕、姜撞奶雪糕。所有含牛乳嘅甜品，都采用每日新鲜运到嘅娟姗奶，所以数量有限，想试就记得趁早啦。



桂花杏仁豆腐



补气养血五红汤



黑芝麻糊雪糕

大满福(配娟姗奶)

「啡」香不怕巷子深

猎奇新滋味！ High tea 有惊喜

三月3点3，最需要下午茶安慰嘅时候，点可以随随便便食饱就算？除咗食物滋味要出众，颜值亦不可输，视觉上的享受同样要安排上。Color帮大家搵好两家，生鬼又正斗High tea好去处，保证味蕾、视觉都有惊喜！

秦丽莹、陈祉伶/文、图

盏鬼粤味浓

呢间咁盏鬼咖啡店，深藏陈家村后门巷子里，复古、别致嘅装修风格十分抓人眼球。店铺唔算大，但四处可见惊喜！比如角落有胶片机同黑胶唱片展示区，而墙面、窗口贴有粤语金句、广州旧地图等。除咗菜牌隐藏好多粤语梗，店名也别有深意，原名Go Ghost直译“走鬼”，后来被音译为“坞坞史”，更加生鬼兼威武。主理人wilee话自己身为广州人，都想通过幽默的方式，将粤语的文化元素，融入生活同咖啡店里面。室内的装修都是佢亲自为，连台凳都係佢用各种旧门窗、花阶仔自己DIY嘅。



出品劲鸡史

去湿咖啡？肥仔牛角包？仲有傻仔水2.0？斋啲菜名已经劲有梗，出品亦真係够鸡史（粤语中有犀利、威武之意）！人气单品青瓜酿豆腐蛋糕，好睇又好食，豆腐蛋糕外表白软娇小，内馅有满满清爽青瓜粒，配上榛子果仁碎，口感层次丰富。去湿鸡屎咖啡，居然有啲似老广拳爱嘅猪脚姜味道，包保饮过返寻味！仲有泡沫丰富嘅提子加盐加咖啡、夹住大大块牛油酥嘅牛角包、烟烟初初嘅果仁曲奇……无论饮品甜品，都拥有极具辨识度的独特风味！呢啲搭配虽然脑洞大开，个性十足，但主理人wilee就话，都要自己试好多次觉得ok先上架，要对得住啲食客。

夏果巧克力曲奇

得闲饮啡

GOGHOST TRADING HOUSE(坞坞史咖啡店)
地址：广州市荔湾区龙源新一巷21号-201(陈家祠后门)
营业时间：周一至周五 13:00-22:30；周六至周日 12:30-23:00